

蟲炎「佛系」空降選區會 選民心淡「白票投九西」

網議政事

因為唔做地區工作，而喺立法會九龍西補選失敗後做咩好？蟲炎（姚松炎）就話畀大家聽，佢又要再度空降，再次挑戰民建聯立法會議員鄭泳舜，喺南昌北區選同佢死過。佢講到雄心壯志咁，唔等於已經上咗一次當嘅反對派支持者會再同佢廝，唔少人都話區議會更重視實幹，有人直接話佢咁氣，仲有人問佢係咪輸到傻咗，上次投佢投到好似射咗張票落海咁嘅選民就話：「如果佢再嚟，我投白票！」

■香港文匯報記者 甘瑜

《蘋果日報》喺愚人節嘅日出咗篇新聞，話蟲炎「積極考慮」去組團出選九龍西區議會選舉，仲口響響咁話自己會考慮挑戰鄭泳舜所屬嘅南昌北，另外佢哋都會去挑戰民建聯主席李慧琼所屬嘅士瓜灣北、西九新動力梁美芬嘅黃埔東。

之不過，蟲炎唔係層次好唔同，唔接市民Case（個案），又唔點鍾意舊式落區嗰咩？蟲炎就嗰篇報道入面解釋，所以佢哋係住組團出選，去為居民提供地區服務，咁係咪即係又唔係佢做呢？

唔係佢咁重視地區工作嘅立法會都輸咗，點解選區議會反而有勝算呢？蟲炎話佢自己都有超過10萬個九西選民支持，希望「善用補選得票數據」，「增加其團隊的勝算」，輸咗錢甘願仲講到自己好有價值咁，呢方面佢又真係有自己一套嘅。

網民諷唔使落區做等緣分到

佢就講咗自己點睇，咁網民點睇呢？客氣啲回應係「Vanessa Lo」嘅「區議員更貼地，今仗更難打。」

另一個演繹版本就係「Wong Lee」嘅「選區議會，仲要空降，係唔係輸到

short（傻）咗？」

「Beyond Wong」直斥：「膠即係膠，輸左（咗）一次，都知人地（哋）票源多過你，仲要人地（哋）在地區做左（咗）咁多年，你憑甚（什）麼輸完立法會可贏區議會？」有網民仲整咗張圖寸佢係「佛系社區工作者」，即係咩都唔做但覺得「緣分到」就有人投自己。

「投機零誠意 唔該早收檔」

唔少網民就同佢數返晒佢嘅問題。「Hugo Yeung」話：「當年姚松炎攻置富選區，對手係「隱形左派」，屆屆自動當選，但姚生一攻輸左（咗）即刻走，都唔肯投資時間落個社區到（度），乜你真係覺得『姚松炎』三隻字就R（攞）到票？」

傷心選民「Bonebone Li」狠批：「剛復（復）自用！脫離現實！上次（九西補選）我早上7點半走去廣華隔離（籬）問小學投佢票，但佢真係夠膽一個助選團嘅人都無，更莫論單張同banner（橫額），連最基本嘅誠意都無，如果佢再嚟，我投白票！」

「Alex Chan」形容蟲炎做「政治投機者」；「SH Yung」叫佢「返去教書算

佛系社區工作者



不晨操、不晚練、不思考、不做調查
不跟議題、不做個案、不做服務
不宣傳、不聯誼、不花時間、不花心思

如果緣份到了，自然組織到街坊


■網民恥笑蟲炎係「佛系」參選區會，笑佢覺得咩都唔使做自然有人投。 網上圖片

啦」；「Sum Sum」就話：「自量吓 正式收皮。」
（下）啦，成日阻住响位。」 「Rex Yau」亦問：「April fools（愚人節笑話）？」
「Ngan Sang Yeung」揶揄：「輸多次

爆張秀賢「任議助」涉賄選 咖喱借刀走數？



■陳國強大爆張秀賢做咖喱飯議員助理。



fb 截圖



▲神駒「恭喜」張秀賢搵唔成老闆。 fb 截圖

◀方國珊覺得咖喱飯做場大龍風唔請張秀賢。 fb 截圖

特稿

反對派針對立法會補選搞嘅所謂「初選」，就好似潘朵拉盒子咁，一打開喇衰嘢就搵都搵唔住：呢邊廂輸咗補選嘅姚松炎仲係死咬「初選」搵手「民主動力」召集人趙家賢，嗰邊廂重返議會嘅「新民主同盟」咖喱飯（范國威），就俾仇家踢爆對「初選」手下敗將張秀賢「有所表示」，畀個議員助理佢做。

嘩！咁樣算唔算賄選，算唔算提供延後利益令對方唔會夾硬入關同自己對撼呢？咖喱飯就聲稱只係計劃請張秀賢擔任「義務顧問」，有花生友覺得張秀賢份「筍工」咁就見光死。

有人就認為咖喱飯借刀殺人，因為事

件曝光就可以大條道理走數唔請對方啦！

一直同咖喱飯有牙齒印、補選入唔到開嘅沙田區議員陳國強，喺愚人節當日出咗個po（帖文），大爆新東「初選」敗陣嘅張秀賢做咗咖喱飯議員助理，又話呢樣嘢再次證明「初選」係一個局。

嘩，根據《選舉（舞弊及非法行為）條例》第七條，任何人提供利益畀另一人，作為佢參選或者唔參選嘅誘因或者報酬，就係係選舉中作出舞弊行為，而根據第六條，作出舞弊行為者，如果循简易程序審訊，一經定罪可被判罰款20萬蚊同監禁3年，如果循公訴程序審訊，一經定罪更可被判罰款50萬蚊同監禁7年。

有古惑「冇受薪咪唔算賄囉」

雖然張秀賢簽咗「初選」備忘錄，承諾輸咗「初選」唔會入關玩補選，但究竟佢同咖喱飯係咪好似陳國強所講咁有古惑，就好多人都議論紛紛。

茲事體大，加上陳國強出po當日正值愚人節，唔少傳媒都去搵兩個當事人叫佢哋畫畫。

張秀賢話現時唔係咖喱飯嘅受薪議助，叫記者問咖喱飯好過，咖喱飯就話曾經與張秀賢商討請佢擔任「義務顧問」，但未有定論。

陳國強就咁咖喱飯對出力幫佢助選嘅張秀賢用完即棄；同樣係咖喱飯死對頭、喺補選中輸畀佢嘅西貢區議員「哪

吒」方國珊，亦都唔執輸抽水，話事件正好反映「初選」只係「一場遊戲一份工」，咖喱飯先對張秀賢嚟一招安撫，用錢買佢嘅支持，之後透過「新同盟」啲兄弟放風畀陳國強借刀殺人，借事件曝光順理成章唔請對方，「認真你就係豬豬。」

方國珊：初選只係場遊戲

哪吒仲叫選民以後唔好「含淚投票」。

一直「關心」張秀賢畢業後生計嘅「無敵神駒」仇思達，就形容單嘢係見光死，叫做返無主孤魂嘅對方搵第二個老闆嚟嚟！

■香港文匯報記者 陳庭佳

陳樂行死撐冇辱師 校董：應延長停學

香港文匯報訊（記者 姬文風）浸大近日就滋事學生「佔領」語文中心事件作出裁決，帶頭搞事的劉子頌及陳樂行分別被判停學1個學期及8日。社會不少意見均認為對陳樂行的判罰過輕，惟他明顯不知悔改，昨日在電台節目中「死撐」不覺做錯，更聲稱在場老師表示「沒有感到受威脅」。浸大校長王凱峰反駁，當事人至今仍未認為當日受到威脅，只是有人斷章取義，並認為停學太短時間學生根本「不痛不癢」，變相「擺正牌走堂」，故延長停學時間才合理。

陳樂行昨日先後出席兩個電台節目。當主持人問他會否反思事件是否做錯時，陳樂行稱，當時得悉很多同學應考普通話試

肥佬，「呢個係最合理決定」，若沒有行動，「我哋倒轉都會被人鬧。」主持隨即指出問題不在上訴，而是表達方式是否可以做得更好，這時陳樂行不耐煩稱：「咁你永遠都有空間改善嘅！」

在主持再三追問下，陳樂行才「勉為其難」地承認自己當時太衝動，但仍拒絕反省，只稱：「手勢都可以話威脅？」

話老師冇受嚇 粗口死兜口誤

他在另一節目中，更斷然否認學生在「佔領」事件中做錯，並聲言事後有向在場老師查詢而對方表示「當時沒有感到受威脅」。在談及學生表現時則謂：「我哋有邊句真係侮辱老師……」這時主持都不

禁問：「粗口嗎？」他辯稱那是「口誤」，更謂那句粗口是「對事不對人」，詭論令人咋舌。

王凱峰在同一節目中反駁陳樂行的說法。他強調，就他所知，涉事老師至今仍表示當日是受到威脅，質疑有人斷章取義。被問到校方判罰的安排，王凱峰認為罰則最大考量在於是否有阻嚇作用，以避免同類事件再次發生，其中最嚴重為開除學籍，其次為停學。

停8天難阻嚇 似「擺正牌走堂」

他解釋，基於校方已經改制，出席率不會影響成績，也不會因出席率低而不許學生參加考試，故太短的停學判罰只是象徵

式作用，「不痛不癢，起不到阻嚇作用，對學生而言，甚至只是擺正牌走堂。」

王凱峰強調，事件的重點在於長達8小時「佔領」中出現多次威嚇行為，而劉子頌及陳樂行在事件中的角色性質分別不大，不理解兩人的處分何以有天淵之別，「8天某程度是達不到阻嚇作用」，因此認為陳樂行的停學時間應該稍長，但不應多於一個學期。

聽眾未聽過陳真心認錯

聽眾劉女士表示，事發後有觀看過「佔領」片段，「第一時間感覺是『紅衛兵』回歸」，她又認為學生錯在態度不對，慨嘆從未聽過陳樂行曾真心認錯。劉先生也認為學生態度有問題，強調涉事學生身為學生代表，更應好好判斷對錯，並多留意自身言行對其他同學的影響。



■民建聯積極跟進種禾苑維修問題。

穗禾苑石屎剝落 民記爭加快維修

穗禾苑落成至今今年踏入38周年，屋苑大廈已面臨老化問題，

近期更接連出現外牆石屎及磚頭剝落的問題。民建聯立法會議員葛珮帆、穗禾區社區主任陳煒丹要求政府及相關部門加快推動維修，確保大眾安全。

針對穗禾苑老化問題，房屋署早於2014年已發出強制驗樓計劃通知，要求屋苑進行大維修。惟4年過去了，到今年大維修的進展依然落後，甚至接連出現外牆石屎及磚頭剝落的問題。最近掉下的磚頭更比一個成人拳頭大一倍有多，達17cm x 14cm，掉落位置亦接近行人通道，嚴重影響途人安全。

小業主也擔心要為可能出現的傷亡負責及賠償。即使幸運地沒有傷亡，傷時百物騰貴，屆時維修費用定必高昂，小業主亦未必可以負擔。

葛珮帆和陳煒丹高度關注穗禾苑大維修的進展，並一直與各政府部門及相關單位跟進，希望可以加快推動維修，確保大眾安全。

近年香港漁農業面對內地及特區

政府的城發展及漁農業規管政策，發展空間大幅壓縮。鑑於在現行香港法例之下這些禽畜農場幾近無地可搬，對禽畜業的影響最為直接。過去不少香港農民選擇北上繼續經營種植及禽畜農業，然而現時內地不少城市均推出較嚴厲的法律、法規限制經營農場；更甚者，香港的養殖及休閒漁業的相關法律、法規落後，導致漁民、農民也無從轉型。適逢國家推出「一帶一路」建設及大灣區規劃，不少香港漁民及農民均期望國家可以推出合適措施，協助香港漁農業把握機遇，尋找新的出路，促進行業持續發展。

就此，民建聯在兩會上提出了幾項建議：

第一，國家應考慮把握大灣區契機，並參考「橫琴模式」及河套區的深港合作等模式等，研究劃出部分鄰近香港的內地水域及島嶼，讓內地相關部門與特區政府共管，讓香港漁農民生產作業，包括捕撈、養殖漁業，以及種植、禽畜農業，或試驗創新的漁農業生產模式等。有關建議既可讓漁農有足夠空間生產作業；亦可藉此促進香港與各省市，就着漁農業科研及技術的交流，強化香港漁農業的內涵。

增共管作業區 促進業內交流

第二，劃出部分鄰近香港的內地島嶼供香港漁農從事漁農業活動，同時將部分島嶼撥予建立「垂釣基地」分站，讓「垂釣基地」的內涵更加豐富，並作為「優質生活圈」的重要項目。

第三，研究推出可同時容許港澳漁民參與的遠洋漁業政策，讓願意從事遠洋漁業的流動漁民提供法律上、政策上的支援，並讓流動漁民與內地漁民可一同享有遠洋生產的相關補助及免稅支援，促進遠洋漁業發展，協助流動漁民轉型。

港農「國民待遇」 油補流動漁民

第四，研究給予內地港資農場經營者合理國民待遇，爭取讓優質農產品享有免檢待遇及簡化相關手續及程序。建議政府讓流動漁民領取全額油補，合理地參與國家部分惠漁政策，讓港澳流動漁民群體得以健康發展。

第五，現時香港流動漁民只可聘請廣東省內的漁工。據了解，每艘港澳流動漁船大多都短缺一至兩名勞工，預計整個行業的勞工短缺數目達1,000人至2,000人。建議積極考慮與內地漁民的政策齊齊，讓其他省份的勞工培訓合格後，也能加入成為港澳流動漁船的重要勞動力，以紓緩勞工短缺問題。